

得千分之九三。葡萄牙得千分之九二。瑞典那威合得千分之九一。雜費爲千分之九三。而其本利歸結。以中國之新關常關鹽政作擔保品。若照原定辦法。則一九四〇年卽爲還款終了之期。惟其間如英美法俄日意比葡各國。於歐戰期中會商妥停付五年。是則當延展至一九四五年清訖也。過去時期中。美國首先表示退還庚款。爲中國興辦教育文化事業。一九零九年已退還一批。清華學校之產生卽由於此。德奧兩國則以歐戰結果。完全放棄。俄國大革命後。亦以協定方式。允將庚款交還。其餘各國於巴黎和會時。固皆允退還。今茲實行者。則英國始開其端。此外法之處置庚款。以維持中法實業銀行爲主旨。而辦理教育慈善事業特空名耳。意比兩國僅允將匯款時金佛郎與通行佛郎間相較之餘數。用於鐵路工程。爲數極微。去退還尙遠。荷蘭雖允退還庚款爲測量黃河之用。特不知何日方見實行。日本對庚款用途。則完全由彼片面規定。彼之年撥三十萬元補助日本留學生學費。卽謂爲

文化設施之一。其所謂對華文化事務局。實不啻一文化侵略機關。故教部已令禁日本留學生領受此種津貼矣。

▲上海近事

唐紹儀來滬任務

大陸報云。國府高等顧問唐紹儀回粵三月後。業於日前返滬。記者昨日驅車造訪。唐氏延見之下。據稱。外間謠傳北方派人與彼接洽。共組政府之說。絕對無稽。卽此項謠言。渠初亦毫無有聞。直至此次來滬。抵香港後始悉。當卽立向外報闢謠。渠此次回滬之主要目的。在與中央政府接洽中山築港事。此港建築工程。目下正在急進中。第以事業過鉅。當非一時所能完成。此港在今後六十年內。固將爲自由貿易港。但不致影響於香港。因香港根基既固。又有良政府司其行政。渠意中山開港後。反可能使香港與廣州交相興盛。渠日內卽將入京一行。與政府諸公商榷港務。嗣詢以美總統胡佛就任後。曾發電相邀。今茲有意應約赴美否。唐氏答稱。渠亟願得一機會與胡佛

總統重叙舊歡。此次入京之後，對於此事，或可作一切實答復云。

海甯觀潮專車

▲定十月八九十三日往返開駛一次

滬杭鐵路為本年開駛海甯觀潮專車。定於十月八九十三日往返開駛各一次。(第一日)上午五時由上海北站開。至上午八時一刻到斜橋。回程由斜橋開下午四時十分。到上海北站下午七時三十分。(第二日)上海北站開上午五時三十分。至上午八時四十五分到斜橋。回程由斜橋開下午四時四十分。至下午八時零一分抵北站。(第三日)由北站開上午六時一刻。至上午九時一刻到斜橋。回程由斜橋開下午五時一刻。至下午八時四十分抵北站。該專車抵斜橋下車。換舟至海甯東門外。約二小時。並於昨日由車務處長通告本路辦事各員云。為通告開駛海甯觀潮專車事。茲訂於十月八九十三日。本路特開專車。自上海北站至斜橋往返專車各一次。其

行駛時刻。詳載英文通告。查該專車係用雙機行駛。惟經過二十一三十四號兩橋時。兩機車必須拆開分行。應由機務處調度一切。再該專車務須按照規定之時刻開駛。並備掛專車之顯燈。其他各項通常列車。一律須儘先。仰各查照辦理云。

吳淞口外海匪捲土重來

吳淞口外通海交界大安港。呂四等處。前有大股海匪。嘯聚附近一帶。陸上居民。及海上商船。大遭蹂躪。及日前海匪突然傾巢離大安港及呂四北去。據往何方。迄未明瞭。詎料大安港方面。前日海匪忽又大股捲土重來。希圖登陸盤據。幸經吳淞水警四區十八隊隊長林靈槎。督率巡船。會同海門縣警隊。將匪船擊退。海匪見無隙可乘。旋即揚帆而去。而同時呂四港。則竟復被海匪五百餘人。重行侵佔。現本警十八隊林隊長得警後。業已督飭所屬三分隊巡船。迅往兜勦矣。

吳淞口外秋潮淹沒兩沙